

**Bələ nii sagı tə, Polə nə púpúní
 ʋ pa
 Timote
 nə
 Timote bələ nii sagı tə yuu
 wa sɔɔ**

Lìù tə, ʋ nə púpúní sagı kv tə

Kv yi *tuntunu Polə nə púpúní kv. Máná tə wa, ʋ nə púpúní kv, də ʋ yi ʋ wulə bán diè wa Romə nə. Kv yin càn zənzən kv pa wá. U mu ya bwələ, sə kv zwèe, yá liù də yà təlè, sə ʋ san ʋ nə.

Lìù tə nə, Polə nə púpúní

Sagı kv yi bələ nii sagı tə, ʋ nə púpúní ʋ pa Timote nə, ʋ nə yi ʋ tutundon, ʋ ga swə wá zənzən.

Sagı tə wa sɔɔ

Polə təntən ʋ kəni Yu lèèè Timote yiri. U dàn swìn Timote con, sə ʋ zigi diàn ʋ tun Yu tutuŋi tə zəni də yawala, də lià nə swə ba kəni càn ʋ nə, kv tutuŋi təntə yiri. U tə swìn ʋ con, sə ʋ cì lià tə nə, ba nə di tútúná tə nə ba dèñ jə, tə nə ba saŋa, sə lià tun Yu tutuŋi tə. U swìn Timote con, sə ʋ ya ndə ʋ mù Polə yà nə yi nətu. U me, sə ʋ twá cígá tə nə, sə ʋ kə ʋ waa Zwezi nə wuuu, sə ʋ soni lià, sə ʋ ja pínú, sə ʋ dàn ká swèèé kàrà nəzəŋu tə, ba nə kàrì wá.

Sagɪ tɛ yígúré wa, ɔ bɪrɪ nɛtɔ ɔ tɛtɛ nɛ dí càn, dɛ nɛtɔ tɛ Yɪ nɛ san wá.

Polə jònì Timote

¹ À mù Polə, yɪ Zwezi-*Kərisə *tɔntɔnɔ. Kɔ nɛtɔ twá dɛ Yɪ fɪra tɛ. Zwezi-Kərisə tɔn nɛ, sɛ à swìn mu tɛ yoo là con. Yɪ kàn nii dɛ, ɔ wá pa kɔ mu tɛntɛ là tɛ nɛ, ba nɛ vwə ba tìàn Zwezi-Kərisə yɪra. ² À púpúní sagɪ kɔ tɛ, à pɪn n mù Timote nɛ. N yɪ à bìú tɛ, à nɛ swə zɛnzɛn. Nɛ nyɪna Yɪ dɛ nɛ *Yuu-Tiu Zwezi-Kərisə nɛ wá fwa pubwanɔ n yɪra. Ba mù nɛ wá dɛri n yinəgɛ zɛnzɛn, ba ga pa mú bɪcàn sió.

Polə dàn Timote jìàn

(Tɔtɔnan 16.1-3; 2 Timote 2.1-12; Efezə tìàn 1.3-7; 2 Tesalonikə tìàn 2.13-15)

³ À mù Polə kəni Yɪ lèèè, à pɪn n mù Timote nɛ. À lòrì Yɪ dɛ bɪcàn nɛpon, ndɛ à nɪbara-ba tɛ nɛ jɔn Yɪ nɛtɔ. Mánjá mama, à nɛ wulə à lòrì Yɪ, kɔ nɛ yɪ tɪtɪn nɛ à yèé yɪcav, à yàá lòrì Yɪ, à pɪn mú. ⁴ À líí à tìàn dɛ, n nɛ kwi nɛtɔ, à viru tɛ mánjá wa. Yá à dàń yà swə zɛnzɛn, sɛ à pìí à na mú, sɛ à pùé poli. ⁵ À yàá bɔɲa nɛtɔ tɛ, n nɛ ken n waa Zwezi nɛ wuuu. Kɔ tɛntɛn kɔ ya n nu Loyisə nɛ ken ɔ waa ɔ nɛ. Kɔ zàn lá, kɔ pa n nuu Enisə. Yá à dàń yèé dɛ, n dɛ ken n waa ɔ mù Zwezi tɛ nɛ wuuu, n ga tà níé bɛlə tíú.

⁶ Mɛ kɔ mù nɛ pɪn, à ma líí mú yoo kɔ tɛ. Ja Yɪ tarpɪɔn tɛ, ɔ nɛ pɪn mú, sɛ n ma tɔn zəni. Mánjá tɛ wa, à nɛ tún à jìàn tɛ n yuu wa, Yɪ pɪn mú tarpɪɔn tɛntɛ. Kɛ n diàn lá n tɔn dɛ kɔ tarpɪɔn

təntə. ⁷ Yɪ-**Siŋu* yáá ba pɪn, liù jì yáá ŋwìán tíú. Kɔ̀ mù nə pɪn, dàn ká pa, n ya yáá ŋwìán tíú. Kɔ̀ yáá pa nəba diàn, sə nə ma tun, nə pa Yɪ nə. Kɔ̀ yáá pa nə sóní là, kɔ̀ ga pɪn, nə yèé nə tiàn janv.

⁸ Dàn ká pa cavɪra ja mú, sə n swìn nə **Yuu-Tiu* yoo n biri là nə. Dàn ká pa cavɪra ja mú, à mù Polə nə wulə bán diè Zwezi-Kərisə yɪri də. N də mɛ, sə n dé càn suywáŋú tə yɪri, ndə à nə, də diàn tə, Yɪ nə pɪn mú. ⁹ Ù mù Yɪ nə jon nəba nə cuna wa. Ù kúrí nəba, sə nə ya v̀ mù là. Kɔ̀ tà nə tutunzəŋə yɪri, kɔ̀ ya v̀ tətə nə swə kɔ̀ nətɔ, kɔ̀ twá də v̀ pubwanv̀ tə nə. Yɪ tətə nə sóní, sə v̀ fwa kɔ̀ nətɔ tə, də luv̀ tə wà fwa. Yɪ tətə nə twá də Zwezi-Kərisə, v̀ ma tun v̀ pubwanv̀ tə nə yɪra. ¹⁰ Zwezi-Kərisə jon nəba nə cuna wa, yá v̀ zwèe tiàn diàn. Kɔ̀ mù nə pɪn, síún nə, Yɪ pubwanv̀ təntə dàn yɪ nəpon. Zwezi twá suywáŋú tə nə, v̀ biri də, là tə wá na mu, kɔ̀ nə ba zwèe Yɪ con.

¹¹ Yɪ tún nə, sə à ya v̀ tuntɔnv̀, à swìn suywáŋú təntə, də à kàri kɔ̀ à biri là nə. ¹² Mə kɔ̀ mù yɪri nə, à dé càn tə tə, yá cavɪra ba nə jə. À mù yèé liù tə, à nə keni à waa v̀ nə. Yá à yèé də, suywáŋú təntə, Zwezi nə pɪn nə, v̀ wáá kɔ̀ nə v̀ cì, kɔ̀ ja vələ diun tə, v̀ nə wá pìi v̀ bà.

¹³ Twá cígá sùràn tə nə, n nə nì à nii wa də, à swìn, sə n də sùràn ya ndə tə nə. Dàn ká lwán won mama tə wa. N nə swìn tə sùràn təntə, Zwezi-Kərisə nə pɪn, sə n kə n waa v̀ nə, yá n ga sóní là də. Kɔ̀ mù yɪri nə, ja tə sùràn təntə n bican wa. ¹⁴ Ywán suywáŋú tə yuu, Yɪ nə pɪn

mú. Ywàń ku yuu də Yı-*Sinju tē, ku nə wulə də nəba.

¹⁵ N yəə də, Kərisə lià tē mama, ba nə wulə Azi nagwanaa tē wa, vıga nə ba dıgv. Fizwələ də Ǝrəmozwenə twá ba wulə ba wa. ¹⁶ À lōri nə Yuu-Tiu, sə v dəri Oneziforə mù, də v diè lià yinəgə zənzən. U mù yáá zùri à bıcan, v ga ba à cavıra dəri, də ba nə vwə nə də banzala tē. ¹⁷ U nə twi *Romə wa yəbə, v bıbarı v pià bwálí tē, à nə wulə wuu, halı v bà v na nə. ¹⁸ Nə Yuu-Tiu nə wá dəri v yinəgə zənzən, dıun tē nə, v nə wá piı v bà, v bürì ləzoni bürà. N mù yəə tutunan tē, v nə tun v pa nə, máńá tē wa, à nə yın Efəzə nə, zəni.

2

*Ka twá Zwezi-Kərisə nə də waa nədv yoo
(1 Korəntə tián 9.24-25; Matıə 10.32-33)*

¹ N mù Timote yı ndə à mù Polə biú nə. Zwezi-Kərisə fwa v pubwanv tē n yıra. Ku mù nə pın, n dání pa n jìàn dòn. ² N nı Yı svgv tē à nii nə, à nə swın lià zənzən yáá con. Tı ku svgv təntə, n ma kàri lià tē duən tē, ba nə yı pùé nədv tián. Ku tián təntə də kúv mə, sə ba wàní ba tı ku, ba ma kàri lià duən də.

³ Də n nə tııa, n pın Zwezi-Kərisə nə, sə n sèe n dé càn, ndə pamanv nəzəıı nə sèe, v dé càn nətv. ⁴ Liù nə vèli pamanı, v nə pià, sə v poli v yuu tíu tē pùé nə, v kúv wà mə, sə v fwa yìèn tē, pamanv nə wà mə, sə v fwa. ⁵ Ku yı ndə liù nə wulə v dəri, v mù də lià duən, sə ba jon ıwírán. U nə wà nətv, ba nə mə, sə ba dəri dəru tē nii nə twá, v wàri dun yupuu v nı ku wa. ⁶ Ku tē yı

ndə liù nə, ʋ nə ken ʋ diàn lá, ʋ ma vari kára. Mə ʋ mù nə wá yà tɛntɛn liù tɛ, ʋ nə dí yáá ʋ na ʋ tori kára tɛ ciʋ, máŋá wa. ⁷ Bún sùràn tɛ tɛ yoo, à nə swìn n con. N nə buŋa tɛ yoo, *Yuu-Tiu wá pa, n nì tɛ mama dèń.

⁸ Lii Zwezi-Kərisə yoo, ʋ nə tɪga, ʋ pii ʋ bwin ʋ nan tian wa. Ba lɔri wá più *Davidə dwíí tɛ wa. Mə kv mù nə yi suywáŋú tɛ, à nə swìn, à biri là tɛ nə. ⁹ Kv suywáŋú tɛntɛ, à nə swìn, tɛ nə pin, à wulə banzala tɛ wa, à dé càn, ndə à fwa yolwan. Yá də kv nɛtv tɛ mama, ba tɛ wà Yu sugv tɛ ken bán diè. ¹⁰ Kv mù nə pin, à sèe, sɛ à dé càn, là tɛ yiri Yu nə kúrí, sɛ ʋ twá Zwezi-Kərisə, ʋ ma jon ba ba cuna wa, ba ga zv ʋ dun tɛ wa, tɛ nə ba zwèe.

¹¹ Nèń, sùràn tɛ, tɛ nə ba tútùná jə. Tɛ mù nə yi də, nə nə twá Zwezi-Kərisə nə, nə ti, nə wá twá ʋ nə, nə pii nə bwin nə nan də. ¹² Də nə nə jin pínú wuuu, nə wà pii nə kə nə kwa, nə wá dé pàrì də wá. Yá nə dàń nə vɪga wá, ʋ də wá vi nəba. ¹³ ʋ yi piùé nɛdv tíú. Kv mù nə pin də, nə nə swè nə bà nə jì pwíí bələ tián də, ʋ mù tɛ yi piùé nɛdv tíú, ʋ wàrì ʋ tiàn ʋ pii ʋ ten.

Tùtùnù nɛzəŋu yoo

(1 Timote 1.3-7, 18-20; Zwakə 5.19-20)

¹⁴ Lii yoo kv tɛ là tɛ mama, caga ba nii nə Yu yáá con, ba dàn ká fwa jara yìèn yira boŋu yuu wa. Tɛ mù jara tɛntɛ ba won fwa tɛ pin ba, də kv nə tà, sɛ tɛ cùgù là tɛ, ba nə cuga tɛ. ¹⁵ N mù Timote, kə n diàn lá, sɛ n ya liù tɛ, n nə twá Yu puswənə nə. N me, sɛ n ya tùtùnù tɛ, n nə

tɔŋa zəni, n tɔtɔŋi tə cavıra dān ká ja mú. Ku mɛ, sə n swìn Yu sɔgɔ tə, ku nə yi cígá tə, n bɪri là nə zəni zəni. ¹⁶ Dān ká kə n nii ləyərən yomanan tə wa, tə nə tà Yu nyiən. Là tə, ba nə jə yomanan təntə, yàá pií manɔn manɔn, ba zɔ tɔtɔnkɔkwɪnan tə, Yu nə ba pià. ¹⁷ Ba mù là təntə kàrà yi ndə naworu nə, ku nə wórí ku zwi wuu. Mə Yimene də Filetə wulə ba mù là təntə wa. ¹⁸ Ba mù kúb ba cígá tə nə twá. Ba mù swìn də, Yu manwarɪ ɔ pií ɔ bwin là ɔ lɪ tɪan wa. Ba twá ku nətɔ tə nə, ba ma gɪgarɪ là tə, ba nə keni ba waa Zwezi nə wuu ba dɔga. ¹⁹ Də ku nətɔ tə mama, ku tə Yu mù nə tún, ku ba lwàní. Ku yi ndə ba nə tún diè dəkuu nə, ba púpúní sùràn tə tə ka dəkuu tə yuu wa. Tə sùràn tə swìn, tə wó: «*Yuu-Tiu yèé là tə, ba nə yi ɔ mù nə tɪ». Púpúná tə duən də swìn, tə wó: «Liù tə mama, ɔ nə bɪri də, ɔ ya *Yuu-Tiu nə tɪ, ku tíú dān mɛ, sə ɔ yá kɔnkɔn yìèn fàŋú nə».

²⁰ N nə zɔa jɪjə tíú diè wa, n wá na zɪla yirə yirə tə nə wulə lá. Zɪla təntə duən yi síán wùrú zɔŋi, nə à yèé lugu wùrú zɔŋi. Tə duən də yi d̀̀̀ ba nə sárí, nə à yèé tɪran nə ba ma fwa tə. Tə mù zɪla təntə mama tɔtɔnan tà nədɔ. Zɪla tə nə zìən nə, ba ma tɔŋa càná dɪn nə. Tə duən tə mù ya, ba ma tɔŋa dɪn mama. ²¹ Mə nə yi nətɔ. Də liù nə cìgà ɔ tìàn nə də yolwan tə mama, à nə swìn tə yoo, ɔ yi ndə wùrú zɔŋa tə nə, ba nə ma tɔŋa càná dɪn nə. Yuu-Tiu wá lɪ wá ɔ tún vàn nə, sə ɔ ya ɔ mù nyiən. Ʋ tɔtɔŋi zìən ku pa Yuu-Tiu nə, ɔ ga sèe, ɔ tɔŋa tɔtɔnzəŋu yiri mama. ²² Cɪ n tìàn nə dān ká twá fwa yokɔkwɪnan tə,

læzwændun tə nə swə, tə fəŋú. Kə n diàn lá, n pià ku tə, ku nə yɪ cígá yoo, də n waa mama. Kə n waa mama Zwezi nə wuuu, sə n sóní là. Pa n mù də là tə, ba nə jùnì nə Yuu-Tiu də bɪcan nəpon tə, ya duən nə də bɪcan sié. ²³ Là nə wulə ba dɪ ləyəri tútùná, tə nə yɪ tutu, dàn ká kə n nii lá. N yèé də, tə mù nə pɪn, là tə fwa jara də duən. ²⁴ Ku wà mɛ, sə Yuu-Tiu tútùnú dɪ jara. U mɛ, sə ɔ zílí là tə mama, sə ɔ ya liù tə, ɔ nə wàá ɔ kàrì, sə ɔ ga ja pínú də ba. ²⁵ U mɛ, sə ɔ ja bɪcabwanu, ɔ ma bɪrɪ là tə, ba nə zɪga ɔ nə. Ku wàá ku pɪn, Yɪ twá ku nə, ɔ pɪn ba vəvəri ba kwa, ba ma sé ba cuna. Yá ba ga lwarɪ cígá sugu tə. ²⁶ Ku wàá ku pɪn ba pubuŋa piì, ka twi cígá sugu tə nə, ba ga jon ba tiàn *Sitana jìàn wa, ɔ yà nə jɪn ba ndə nyali, nə jɪn won nətu, ɔ pa, ba tuŋa ku tə, ɔ nə swə.

3

Luu zaŋu máŋá yoo

(2 Piyerə 2.1-22; Zwidə 3; Titə 1.10-16)

¹ Lií n tiàn də yoo, ku tə zəni. Ku mù nə yɪ, luu zaŋu máŋá tə nə wá yà càn zənzən tə. ² Là tə wá sóní ba tiàn cɪcɪ. Ba wá sóní səbiu, ba ga wá yà là tə, ba nə swə yɪrɪ. Ba wá yà fwiə là, ba ga wá twɪn Yɪ. Ba wá vɪ ba nyɪna-ba nii, ba ga wá yà yèrì jwɪan là. Ba wá yà là tə, ba nə ba Yɪ yìèn tə zílí. ³ Ba wá yà là tə, ba yoo nə dà zənzən, ba ga ba læzoni yinəgə dəri. Ba wá yà là tə, ba nə dɔ tɪjaŋa là dèñ nə, ba ga wá sóní jara. Ba wá yà là tə, ba nə yɪ ndə ganaŋa nə, ba ga bá sóní won tə, ku nə zìən. ⁴ Ba wá yà

lìa tɛ, ba nə ɣɪgarɪ lìa ba dɔga, ba ga wá yà lìa tɛ, ba nə súé də lɪŋa. Ba wá yà fwíə lìa zɛnzɛn, ba ga wá sóní ba fɪra yìèn, ba doni Yɪ. ⁵ Ba wá fwa ndə Yɪ lìa nə. Yá ba ga ba sɛe, sə Yɪ diàn tɛ lwàń ba, sə ba ya ɔ mù Yɪ lìa cígá cígá. N mù Timote, pa n mù də ba lìa tɛntɛ, ya yɪŋɔnɪ də duən.

⁶ Ba mù lìa tɛntɛ yiri nə sègè ba zwɪ lìa dii wa, ba ɣɪgarɪ kana tɛ, ba nə ba diàn jə Zwezi-Kərisə cwəŋə tɛ wa, ba pɪn ba sɛe ba sùràn. Kana tɛntɛ yuu cuna dáá zɛnzɛn ba yuu wa, ba ga yɪ ba twá kɔ tɛ mama nə, kɔ nə ywán kɔ pa ba. ⁷ Ba yɪ kana tɛ, ba nə yáá swə, sə ba nì yoo mama. Yá ba ga wàrì cígá yoo mù, ba lwarɪ míámíán. ⁸ Nətu tɛ, Zwanəsə* də Zwanbərəsə nə zɪɣɪ *Moyizə nə, mə nətu bara tɛntɛ də zɪga cígá sugɔ tɛ nə. Ba yɪ lìa tɛ, ba pubɔŋa nə ba tɪŋa, ba ga wà ba waa ken Zwezi nə cígá cígá. ⁹ Lìa tɛ mama wá lwarɪ də, ba ya ləyərən, ndə lìa nə lwarɪ də, Zwanəsə də Zwanbərəsə yɪ ləyərən nətu. Kɔ mù nə pɪn, ba bá wàní ba va yáá.

*Talíkwa kwìè tɛ, Timote nə mɛ, sə n twá tɛ nə
(2 Korɛntə tián 6.3-10; 1 Piyerə 1.19-21)*

¹⁰ N mù Timote, n mù twá à mù Polə nə yìèn tɛ tɛ wa: N yèé nətu, à nə kàrì. N yèé kɔ tɛ, à nə yɪ. N yèé, à nə buŋa, sə à fwa nətu. N yèé, à nə keni à waa Zwezi nə nətu. N yèé, à pínú nə mɛ nətu. N yèé, à nə swə lìa nətu. N yèé, à nə jɪn pínú wuuu, à dàn ká pìí à kə à kwa

* **3:8** 3.8 Zwanəsə də Zwanbərəsə yà yɪ *Zwifə-ba yɪra, ba nə ma boŋə *Ezwipətə tián jinəmori-ba.

nøtv, à ma twá Yui nè. ¹¹ N ni cànn tē, à nè dí dē wəwalv tē, kv nè yí nè. N yèé yìèn tē mama, tē nè yí nè Pisidi Antuswə nè, Yikoniomə nè, Lisətərə nè. Yá *Yuu-Tiu tē jon nè tē mama wa. ¹² Lìà tē mama, ba nè pìà, ba tì Zwezi-Kərisə cwəŋə tē cígá cígá, ndə Yui nè pìà nøtv, ba wá dé cànn lià duən jìàn wa. ¹³ Yá lià tē mù, ba nè yi wəlvnyina, ba nè gıgarı lià ba dıga, ba mù wá kwen ba cùgà, ba sùrí wuuu. Ba wá gıgarı lià duən ba dıgv, ba ga wá gıgarı ba dē ba dıgv.

¹⁴ N mù Timote, vwa n tìàn kankan yìèn tē nè, ba nè ma kwè mú, n ga pa cígá mama tē nè. N yèé liù tē dē, v nè bırı mú tē yìèn təntə. ¹⁵ Vwa n tìàn kankan tē yìèn tē nè. N yəni Yui sagı tē dē, n tē yi bisımaa. Kv mù Yui sagı təntə wàá mú yənu kv pın. Kv mù yənu təntə nè wàá mú kv bırı nøtv Yui nè jon mú n cına wa, n nè kenı n waa Zwezi-Kərisə nè wuuu tē yırı. ¹⁶ Yìèn tē mama, ba nè púpúnı Yui sagı tē wa, kv ya Yui-*Siŋu tē nè pın, ba púpúnı tē. Tē zıen, sə ba ja tē ba kàrì lià. Tē mù nè wàá lià tē bırı dē, ba ba cígá jə. Tē mù nè yàá caga lià nii nè dē, ba nè fwa yolwan. Tē mù nè bırı, nøtv lià nè mē, sə ba ya cígá wa. ¹⁷ Yui-Siŋu tē fwa kv nøtv tē, sə kv pa Yui liù wàní v mì ka fwa yozəŋə mama.

4

(Tətvnan 20.28-31; 2 Timote 2.3-7)

¹ Dınn don nè, Zwezi-*Kərisə wá pıı v bà. U wá bà ndə pıv nè. U wá bürı tıga tē bürà, v ga bürı ba tē, ba nè wà tı, dē bürà. À mù Polə dànn pın

nii ku tə n m̀ Timote nə, Yu yáá con də Zwezi-Kərisə yáá con. ² Swìn suywáńú tə, n biri! Swìn ku də n bwé! Máná tə nə zìən, sə n swìn ku. Ka nə kùb ba zìən də, sə n tə swìn ku. Biri là tə, ba nə tɔŋa lwanı tə, də ba ba cígá jə, n ga caga ba nii nə. Kwè ba, sə ba fwa ku tə, ku nə zìən. Ja pínú dıın mama, n ma kàrì ba nətı. ³ Máná don wá bà, là tə nə kùb bá cugı ba tə, ba nə kàrì cígá sùràn tə ba biri, ba nə pìà, sə ba tɔn yokukwınan tə yırı. Ba wá p̀e karnyına duən, ba ma kıkarı ba tìàn, sə ba kàrì ba yìèn tə, ba nə swə. ⁴ Ba kùb bá cugı cígá sùràn tə, ba dãn wá p̀ı, ba cuga kunkun yomanan. ⁵ N m̀ Timote, n mɛ, sə n ya liù tə, n nə yèé yoo dèń, máná mama, wuuu. Sèe, sə n dé càn tə, sə n swìn suywáńú tə n biri là nə. Tɔn tutɔŋı tə, Yu nə pın mú, n pa ku nii sú.

(Filipə tián 1.20-23; 1 Timote 1.19-20; Matie 10.18-20)

⁶ À m̀ Polə yi ndə vanı nə, ba nə tanı, sə ba ma fwa *jonı. Ku pìà ku biri də, à máná yı, sə à va Yu con. ⁷ À ta Zwezi-Kərisə yırı zənzən. À zwèe ku tə, Yu nə pın nə, sə à fwa, ndə liù nə dəri ı va ı yı bwálı tə, ı nə mɛ, sə ı yı lá. À ken à waa Zwezi nə wuuu, à wà p̀ı à kə à kwa. ⁸ Síún nə, à yèé də, Yu tún à ŋwírán ı con, tə nə dãnı nə. Nə Yuu-Tiu nə wá b̀rì nə b̀rà dıın don nə. Ku dıın tə nə, ı wá pa nə cígá tíú yupuu tə. Ku tà à cıı nə, ı wá pa ku, ı wá pa ku là tə mama nə, ba nə swə, sə ı p̀ı ı bà.

Polə boŋə Timote, sə ı bà ı con

⁹ Timote, kə diàn, n bà n yí nè lala! ¹⁰ Demasə viga nè v dɔgv, síún lɔv kɔ tɔ wiən fira nè jə wá yiri. Yá v dàń vɛli Tesalonikə. Kəresansə də vɛli Galasi, Titə də ga va Daləmasi. ¹¹ Likə cici nè wulə à con. Máná tɔ wa, n nè biàn, sə n ja Marəkə, n ja kə lá n bà. U wàá à nè v saɲa. ¹² Tiswikə mù ya à mù nè tun wá Efəzə nè. ¹³ Máná tɔ, n nè biàn, sə n twá Karəpisə con Tərowasə nè, n jon à gànù, à víí à yá lá, n ja bà n pa nè. N nè biàn, sə n kə lá n ja saga tɔ n bà. Kɔ tɔ, kɔ nè dwə à yà swə, sə n ja tɔ tɔ, ba nè púpúní tanan tɔ wa, n ja bà.

¹⁴ Alekəzandərə, v nè yi yarv, tun yolwan nəfarv à yira. Nə *Yuu-Tiu nè wá ŋwín kɔ tɔ, v nè tun, tɔ ŋwírán v pa wá. ¹⁵ Cɪ n tiàn nè də wá, v cigà nè kàrà tɔ yáá nè də diàn.

¹⁶ À nè təntən à tún à nii là tɔ, ba nè buri buri, tɔ yáá con, liù mama wà v nii ken à kwa. Ba mama viga nè ba dɔgv. Yu nè wá kwən ba cuna, v li ba mù də wá pwərə wa. ¹⁷ Də kɔ nətv mɛ Yuu-Tiu tɔ wà nè v v dɔgv. U mù nè pin nè diàn, à ma wàní à swìn v sɔgv tɔ mama, à biri ndə kɔ nè mɛ nətv. Là tɔ mama, ba nè tà *Zwifə-ba, ni kɔ. Yuu-Tiu nè san nè, à ma wàní à jon à tiàn tian jun wa. ¹⁸ Yuu-Tiu nè wá cì à nè də yolwan mama, v ga wá jon nè, v pa à zv v nyina Yu *sàń tɔ wa. U mù nè mɛ də dun dun mama wuuu. Amuna!

Sagi tɔ yígúré jònà

¹⁹ Jun Pərisəka də Akilasə n pa nè. Jun Oneziforə də v diè là tɔ n pa nè. ²⁰ Erasətə wulə Korəntə nè. Tərofimə mù yira ba zurə, à ma yá

wá Mile nə. ²¹ Kə dǎn, sə n bà də waran tə máǵá tə wà yí. Əbilisə də Pidansə də Linisə də Kəlodɪa də là tə duən tə mama, ba nə yɪ n nubɪa *Kərisə yɪrɪ tə, jùnà mú. ²² *Yuu-Tiu nə wá yà də mú. U wá fwa ɔ pubwanɔ tə á yɪra. Amɪna!

Yu soywánó sagı
Nuni, Southern: Yu soywánó sagı New Testament
Le Nouveau Testament en Nun

copyright © 1999 Wycliffe Bible Translators, Inc.

Language: Nuni, Southern

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 30 Sep 2022 from source
files dated 8 Feb 2022

d18530a7-7259-5f23-92b6-70e3abe5f3fa